

Vox-I-Landia Escolar 2017 ta sigui

FUNDACION Voz-I-Landia Escolar (VILE) cu su cede na Fatima College kier informa pueblo di Aruba y tur scolnan basico cu despues di e exitoso Voz-I-Landia Escolar di aña 2015, nos ta den ful preparacion p’e gran Festival di Voz y Cancion pa aña 2017.

Tur scol basico a wordo invita pa participa cu su alumnonan den e respectiva categorianan pa e festival.

E festival ta parti den 2 categoria cualnan ta categoria A cu ta pa muchanan di 7 pa 9 aña y categoria B cu ta pa muchanan di 10 pa 13 aña .

Fechanan pa prefinal ta:
 Categoria A 23 april 2017
 na Cas di Cultura: Categoria B 14 mei 2017 na Cas di Cultura: Final categoria A y B 4 juni 2017
 lugar no ta sigur ainda.
 Fundacion Voz-I-Landia Escolar pa medio di e festival aki ta duna su contribucion pa engrandecede nos cultura musical cu cancion pa mucha na Papiamento.

Comision Voz-I-Landia ta trahando duro p’e tremendo festival y no por keda sin gradici tur compositor y arreglista cu ta coopera cu nos muchanan y cu a compone y aregla e cancionnan na Papiamento completamente nobo.
 Fundacion Voz-i-Landia ta un non-profit organisacion y dor di e esey nos ta aserca compania pa duna nan aporte p’asina nos por organisa e festival aki.

Pa cu esey nos kier duna un danki grandi na tur compania y instancia cu

ta yuda nos pa por haci e Festival Voz-O-Landia posibel.

Pa loke t’e carchinan nos por menciona cu tur scol participante lo a ricibinan carchinan y

por haya carchi obtenibel na O.L.V. Fatima College. Danki un biaha mas na tur nos sponsernan cu ta yuda nos y sin lubida e team tras di cortina cu ta haci e festival aki posibel. Tambe nos coro dirigi

pa Maybeline Arends – Croes cu semper ta dedica tempo pa tur miembri di hurado ricibi tur material necesario pa por eherce nan trabao bon como hurado.

Nos ta invita Aruba com-

pleto p’e tremendo Festival di Voz-I-Landia 2017.

Pa mas informacion por tuma contacto cu fundacion na 582-2037 of e-mail na fundacionvozi-landia@gmail.com